

БЛАГОВѢСТНИКъ

ДУХОВНА ГАЗЕТА ДЛЯ ПОДКАРПАТСКИХ РУСИНОВ

Выходить двараз в мѣсяць
каждого 1-го и 15-го.

АДРЕС:
редакціи и експедиції:
REDAKCIJA „BLAHOVISTNIK“
Užhorod, Kapitulska, 3.

ПРЕДПЛАТА:
на рок 12.— К
одно число 60 К
За границу 20 .. К
До Америки 1 Д.

ОБЯЗЛЕНИЯ
принимаются по цѣнѣ
на 1 сторону .. 200 К
на 1/2 сторону .. 120 К
на 1/4 сторону .. 65 К

Новый губернаторъ.

„Благовѣстникъ“ не есть органомъ политичнымъ, однако же всегда подойме свой голосъ, коли чтось радостное, або смутное случиться взглядомъ духовного житя греко-каѳ. православныхъ русиновъ. Такимъ великоважнымъ событіемъ считаеме и теперь взглядомъ нашего церковного житя выименованіе нового губернатора Подкарпатской Руси.

Памятайме! Першій нашъ губернаторъ др. Григорій Жатковичъ, кто и въ свое мѣсто высокомъ станѣ не забывъ, что онъ е христіяниномъ, кого каждой недѣлѣ тамъ видѣлисме въ церкви на службѣ Божої, рѣшительно выступивъ въ оборонѣ нашей отцевской гр. каѳ. прав. вѣры. Отверто и смѣло выказавъ Праздъ, что доки онъ е губернаторомъ, доти шизматикамъ не дозволить жадну церковь забрати и доки онъ туй е на Подк. Руси, доти Дозиоей епископъ шизматицкій не смѣе ступити на нашу землю, котру на культурну степень правъ гр. каѳ. прав. Церковь и еѣ священики подняли.

На жаль, шизматицкимъ агитаторамъ удалось найти въ Праздъ могучихъ протекторовъ шизмы и Жатковичъ мусѣвъ изтягати конзеквенцію и оставить свой губернаторскій престоль. Жатковичъ пришелъ — пришелъ Дозиоей а за нимъ множество батюшокъ и шизматицкое море залляло майже цѣлое Подкарпатя. Чамнянѣ томы книгъ можно бы написати изъ тыхъ беззаконностей и изъ тыхъ терпѣній, что наши священники и крѣпкѣ вѣрники мали зносити изъ стороны шизматиковъ.

По три рочнїй навзѣ пришелъ другій Губернаторъ др. Антоній Бескидъ. Витаеме его, якъ найвышого урядника нашей автономной земли, но и выскажеме и наши щирѣ слова въ имени шизматиками переслѣдованныхъ и угнетенныхъ пра-

восл. гр. каѳоликовъ. Панъ губернаторъ не только теперь занимается съ политикою; онъ бывъ политикомъ, даже посломъ и мадярского режима. Бывъ посломъ той христіянской партіи (*kat. pérprág*), котра завзято боролася въ оборонѣ католицкой вѣры противъ всякого рода безбожниковъ, въ котрой партіи тамъ были всѣ римо-католицкѣ епископы и священники, котра наибольшѣ заслуги мае въ поднесеню славы каѳолической вѣры въ Мадярщинѣ и котра партія звалила панована коммунистовъ и теперь въ рукахъ держить всю политичну жизнь Мадяршины. Колько много нападовъ мала сеся партія зносити изъ части жидовъ, кальвилистовъ, безбожниковъ въ газетахъ, на улицѣ, въ парламентѣ, о томъ много знати бы говорити самъ п. губернаторъ!

А сей бывшій борець христ. каѳолического свѣтогляда теперь меже нами е и есть нашимъ губернаторомъ. Если разгляне на своей Подкарпатской Руси, мусить его цердце стиснутися, отъ болю, коли видить, якъ умножилися вороги той каѳолической вѣры, котру онъ такъ щиро и одушевленно защищавъ. И если зостало еще дачто изъ того одушевленія въ его сердцу, мусить остро и смѣло выступити противъ тыхъ вороговъ, котрѣ такими беззаконными средствами хотять знищити на его земли Христову Церковь. Если онъ не змѣнивъ свої глубокѣ чувства и свою щиру любовь до Церкви христ.-каѳолической, онъ не може терпѣти, чтобы подъ его губернаторствомъ шизматики наши церкви ограбляли, нашихъ священниковъ вымѣтывали и нашихъ вѣрныхъ людей всякими террористичными средствами переслѣдовали.

Се чекаеме мы — в имени „свободы вѣры“ порабощенѣ грекокаѳолики — от Васъ пане губернаторе! И твердо вѣруєме, что сеся надѣя насть не изведе. Твердыхъ, характерныхъ людей потребує днесъ Подкарпатска Русь и Церковь Хristova. Встаньте въ нашъ рядъ, въ оборону нашей и Вашой гр. каѳ. правосл. вѣры честно, смѣло и отверто и тогда ваше губернаторство золотыми буквами буде записано въ исторіи Подкарпатской Руси. — (б).

Всѣ читальнѣ повиннѣ заказати „Благовѣстник“. В нем находится богато поучительныхъ рѣчей для поднесеня морального житя руського народа:

ІЗ ІСТОРІЇ ЦЕРКВИ

Болгарія и римской апостольской престол.

Болгарский народ есть один из тех славянских народов, который в минувшинѣ в частом сношенню стояв с римским апостольским престолом. Перед схизмою была там жива духовна культура и щира любов к римскому отцови.

Уже и славянскѣ апостолы св. Кирилл и Меѳодій на болгарскій языкъ переклали св. Писаніе и богослужебнѣ книги. Той староболгарскій языкъ подняли на степень церковного языка римскѣ отцы, як VIII. Іоан и Адріян II. Св. Кирилл в Римѣ умер и там поховали его римскѣ священники с великим торжеством Св. Меѳодій от папы Адріяна быв назначений архіепископом Панноніи и посвящен на епископство.

Царь *Борис I*. зараз по своему наверненію на христіянску вѣру спѣшилъ с просьбою до папы Николая I просити священиков и епископов для покрещенія цѣлого болгарского народа. Тойже папа выдае розпоряженіе для болгарских христіянов в дѣлѣ вѣры, моральности и дисциpliны в 106 точках.

Симеон Великий и его сын царь *Петер* свою царску корону получили от папы. Года 927 папскій легат Адалберт быв послан, чтобы помирив болгаров с хорватами.

И по схизмѣ остали болгары вѣрными сынами Христової Церкви. Г. 1197 царь *Калоян* просить царску корону для себе и пише: „Мы просиме от римской Церкви, як от нашей матери царьску корону.“

Папа *Іннокентій III.* посилае в Булгарію своего легата *Dominico de Brindici* (1202) и потом и другого в город *Трново* кардинала Леона.

Но часом Булгарія цѣлком упала под вплив Грецкой имперіи. Греки розсѧли и там ненависть против римского престола, нещастнѣ болгары попали под панованье поганов, Турков и з сим закоренилася и схизма межи ними аж до нынѣшнаго часа. Однакож еще в XVI-ом вѣку находили ся численнѣ болгарскѣ епископы, котрѣ знаючи науку богословія признали верховну власть наслѣдников св. Петра.

В XIX-ом столѣтію успѣшио працював в интересѣ соединенія (унії) епископ *Іосиф Соколскій*. Россіяне боячи ся, что Соколскому удасть ся перевести цѣлу Булгарію на гр. каѳ. вѣру, тайно покупили убійников, котрѣ убили его в Царьгородѣ.


Теперь в Болгаріи суть *три* гр. каѳ. епархії: 1. Царьгородска (Галата) 2. Адріянопольска и 3. Македонска (Софія). Царьгородским болгарским архієпископом до 17-го августа 1923 быв *Михаил Д. Миров*, оден працювityй (написав майже 300 книг, брошур и т. д.) апостол своего стада. Новый еще не

выименованый. В Адріанополѣ *Мих. Петков* быв епископом, до 1921 года, кого сам XIII. Лев папа римскій посвятив за епископа. В Македонской епархіи епископствує *Епифаній Шенов*. Епархії латинского обряда суть двѣ.

Всѣ епископы и священики и латины и гр. каѳолики носять бороду, бо там еще такій е звычай. Болгарскѣ шизматики дуже добре знаютъ, что и они колись были добрыми вѣрниками апостолскаго престола, но теперь то кажуть, что тоты были *старѣ болгари*, а понеже они *новѣ*, та им треба ся держати до „православной“ вѣры.

Интересантное дѣло, что коли есть даякое великое народное торжество, тогды на головной площе города Софіи гр. каѳархіепископ смужить службу а не „православный“.

(Сюю статью написав: *Павел Спишак* гр. каѳ. семинарист, кто аж до 1920 рока перебывав в Болгаріѣ.)



Чудесное паверненіе одной жидовской фамиліи.

Тихо жие меже нами на престолѣ наш Господь в св. Евхаристії. День и ночь выходять из Его сердца оживляющѣ, укрѣпляющѣ, утѣшающѣ ласки, котрѣ запалять сердца людей горѣти с поломънею любви к нему, або запалять сердце грѣшников, чтобы горѣло с огнем широго покаянія.

Однакож туй там дѣйствує Господь и дивным, чудесным способом; дае чоловѣкови такѣ выразнѣ знаки своей любви и святой воли, что чоловѣк без сумнѣву мусить признати чудесное дѣйствіе Божай руки.

Перед трьома роками случило ся сie чудесное событие в одном городѣ в южной Мадярщинѣ. Розходитъ ся о одном мѣрлянику, котрого жона есть докторкою и о еї пріятельцѣ, котра есть профессоркою в одной гимназіи. Всѣ трое были жидовскаго вѣроисповѣданія.

Мѣрляник быв дуже образований, характерный и что дуже рѣдкое меже жидами мав широе сердце до ближников; дуже вдячно помогав кождому бѣдному. Еще перед войною г. 1914

пошов он на научну екскурвію у Рим. Удалося ему с одною депутацією зйти и до папы. Всечестивий выгляд папы, его слова зробили великий вплив на него, так, что постановив другого дня пойти на службу архиерейску, на котру была приклікана цѣла депутація. На св. службѣ кождый член депутації причащався. Раз лиш и сам не знає як и он - жид став на колѣнки и прияв св. тѣло Христово из рук святого отца. Чудесное почутя перебѣгло его, заняла его глубока богообойность — и от того часу чось постіянно тягло его до каооліческої вѣры. Як вернувшись дому, почав читати каооліческѣ книги и газеты. Но его жона, котра была загорѣла жидовка, шіяк не допускала, чтобы он перейшов на христіянство.

Года 1920 нагло похворѣвся, так, что мусѣли его понести до Будапешту до больницѣ. По операції лѣкарі заявили, что не є жадной помочи, хворота вже так запановала над ним, что хиба за пять-шѣсть годин може жити. Коли он пробудився из сна, успокоив свою плачу жону о розповѣв, что ему в снѣ появився Христос и упевнив его, что он як христіянин умре и что с ним в небѣ вїедио буде. По сему стало хворому из дня на день легше, так, что жона могла поїхати дому с тым, что у два тиждни прийде за ним и попесе го дому.

Под сима двома тижднями жона пережила дуже неспокойнѣ дни. Кождой ночи пробудилася из жури за свого любимого мужа и кождой ночи горячо молила ся до Іеговы, чтоб дав ей даякій знак, ци жіє еї муж ци умре. Одної ночи мала она чудесное видѣніе. *Видѣла она свого мужа мертвым и простищим на однай постели в своих блѣдных руках с одним крестом.* Як пробудилася из сна, страшно збурилася: Як? Еї муж має умерти, и до того умерти як христіянин?! Се страшное, се не може зносити. У два дни получила карточку от своего мужа, в котрой муж просить, чтобы пришла за ним, бо докторы уже дозволили ему поїхати дому. Сеся вѣсть принесла для жоны мало утѣхи и успокоеня в еї великих журбах.

Як муж дома быв, пильно приготовлявся до крещенія. Священник не мав великої трудности с ним, бо он цѣлком обучений быв в всѣх вопросах религії. Невысказанна радость исполнила сердце новопокрещенного, коли из рук священника достав св. Крещеніе, вдячными словами подяковав священнику и щирою молитвою благодарив господа за велику ласку. Лиш то знеохотило его и уменьшало его радость, что его жона ничего не хотѣла чути о христіянской вѣрѣ.

На четвертий день по крещеню было призначено св. причащеніе нового христіянина. Священник, кто его приготовляв на святъ тайны, быв того дня дуже занятый, так, что лиш вечером вернувшись дому. Як пришов дому, зараз ступив до телефону, попроситися, як ся має его хворый. За одну минуту тихо было в телефонѣ, потом голосный плач и рыданіе -- на конци чути было голос жоны: „Мой муж правѣ тепер умер. Пойте

отче духовный духом до нас, я с мою пріятелькою хочеме зараз тепер покреститися.“

Священник духом там быв. В комнатѣ коло мертвого мужа клячала жона и горько плакала. Як увидѣла отца духовного, встала и тропутым, но спокойным голосом розповѣдала, что ся случило в послѣдних годах.

— „Смерть пришла несподѣванно. Я зараз телефоновала, айбо вас не было дома. Одна сестра (монахиня) стояла коло мого мужа и она заперла его очи, молилася и сложила его руки так, як ото звыкли у каѳоликов; на конци подала и оден крестчик в руки усопшого. Потом вийшла. Я довго позерала на мого дорогого мужа и зараз здогадалася, что я его раз в снѣ правѣ так видѣла. Простертого, с сложеными руками и с крестом. Айбо чось не так было! *Крещик не тот быв; якийсь іншій.* Если то Бог менѣ изявив, что он як христіянин умре, чому не виджу я туй самий той крест?! — На се нагло отворилися дверї и вступила в комнату монахиня; перепрошовала, что она помилилася, той крест, что у мертвого е, она має взяти со собою — и не звѣдаючинич, выняла оден другій крест и положила в руки умершого. Як я теперъ подивилася на мого дорогого мерця, зараз перебѣг мене страх и загойкала: *той то крест, что я видѣла в снѣ правѣ* так лежав он перед о мною,нич,нич не хибить из того чудного видѣнія. Теперь уже не сомнѣваюся, что Бог дав менѣ той сон, теперь уже знаю, что христіянска вѣра есть правдивою вѣрою.“

Невдовга, еще тоъ годины супруга мѣрлника и єѣ товаришка стали через св. крещеніе христіянами.

От того часу поплыли уже три роки. Обѣ они зостали ревными христіянами и причащають ся кожного дня. Не одного уже навернули из жидовской вѣры на христіянку и зробили много добрых учинков для блага своих близников. Слава и похвала Іисусу Христу в святой Евхаристії, кто все так чудесно розпорядив! (Euch Völkerbund No. 1. 2.)

Память св. священомученика Йосафата.

Вѣдень. Заповѣданое торжество в честь нашего священомученика Йосафата было по програмѣ окончено найторжественѣйшим способом. В суботу на процесіи з св. мощами были заступлены всѣ католически организаціи Вѣдня с своими прапорами, цѣла капитула Вѣденска с кардиналом Пифлом, архіепископ Арменскій с своим клиром, епископ з Линцу д-р Тфелнер, члены капитулы крижевацкой с своим епископом, апост. администратор Боснії и Герцеговини о. Базюк, епископ перемышльскій и заступник капитулы львовской и т. д. Поодиноки организаціи голосно молилися, а звоны вѣденских церквей разголосовали славу и честь слуги Божого, который за Господа жив и помер. Св. мощи помѣщены на побочном олтарѣ близко

чудотворного образа Матери Божої Понтийської. На олтарѣ горять 32 свѣчки, а побожный шрод безперестанно приходить и молиться перед св. мощами. () прхлерескої Службѣ Божої сказав кардинал Пифл: „такого чеснѣ не видѣла церков св. Стефана. О том будуть говорити енде и шуки пани“. Велика та катедра была переповнена вѣрниками, котры от 8^{1/2}—12 годинъ оставали на богослужежю.

Галичина. Епископы Галичини, Канады и Крижевця выдали пастырскій лист о 300 лѣтном ювилею св. Йосафата, который буде тревати 14 мѣсяцов, т. е. так довго, як довго были непохоронены мощи св. Йосафата. Епископы розпоряджують спомежи других рѣчей и слѣдуюче: 1. чтобы в каждой большої парохії была хоть 3 дніїна міссія в честь Святого и чтобы по ней лишилась раз на всегда якась памятка: образ, олтарь, братство св. Йосафата. 2. Чтобы в школах, читальнях и захоронках обхождено як найторжественнѣє сяято св. Йосафата. 3. День св. Петра и Павла в 1924., як день канонизації Святого, най буде прославленый публичными молитвами, проповѣдями, процесіями и посвящованьем памяток в честь Святого. 4. От св. Йосафата 1924. — 18 января 1925. має быти призначено на великий всенароднѣ церковнѣ славности по мѣстах.

Париж. 12. новембра в исторической церкви св. Юліана Бѣдного, в присутствіи покровителя русских бѣженцев в Парижѣ, еписк. па Шайтала, окончена была торжествено литургія в память 300. лѣтного ювилею мученической смерти св. Йосафата. Спѣвав хор русских студентов. Службу діакона кончив бывшій русскій дипломат Евреинов. (Рускулта).

Лондон. „Thee Tablet“ пише о Посланію Святѣйшого отца Пія XI. в честь св. Йосафата, котре певно буде переложене и на нашу мову, а потом обширно говорить о житю Святого и о 300. рочницѣ его мученической смерти.

Рим. Епископ Станиславовскій, который прїехав до Вѣдня на прославу св. Йосафата, быв телеграфно позван до Риму, де жала быти окончена та прослава в церкви „Al Gesu“.

Епископска подорож Преосвященногого Антонія Епископа Мукачевскоге.

То кажуть поеты: что сны стануться дѣйствностями. Се много раз так и е. И сія епископска подорож для вѣрников Нового Давыдкова лиш сном была почавше от рока 1912, коли Преосвященный Епископ Антоній пообѣцяв вѣрникам Новодавидковским, чло если изготавлять свою церьков, лично прїде е є посвятити...

Теперь уже сповнився сон, ибо 20.XI. 1923. рушився Епископ Антоній, чтобы удовлетворив своему обѣцянію, ибо там поднимается уже в высочину тата красна, нова, из великим

трудомъ выбудована нова церьковь, котра въ цѣлой нашей епархїи е найкрасшою церквию, котра така велика, что 8000 (восемъ тысяч) людей безусловно вмѣститься въ ней.

На посвяченя сей новой, великой, превосходной церкви рушився наш епископ Антоній. Изъ ним ишли изъ города сточинчого Юлій Станкай каноник и Александр Стойка еп. секретарь. Такожъ съ ними Їхав и Алексій Коссей, мукачевскій парохъ и бережскій архидіакон. Коли подорожники дойшли до хутаря Росвигова, вже стрѣтилися съ великою, импозантною бандеріею, котра пришла витати своего любимого Епископа и попровади его до своего села, до Нового Давыдкова. На чоль бандеріи староста сѣльскій изъ широго сердца привитав Епископа, который не позиравше на труды — пошовъ до нихъ „на праздникъ“. Епископъ съ бандеріею рушився и коли дойшовъ до мукачевскоѣ церкви, злѣзъ и зайдовъ въ цѣлкомъ повну церьковь, где откончив коротку молитву и благословивъ вѣрниковъ. По сему рушився до Нового Давыдкова.

Якъ стрѣлка пошла вѣсть о прибытию Преосвященнаго и еще далеко бывъ отъ села, коли промовили звоны новодавыдковскѣ разсѣвающи ту радостну вѣсть, что приближаеся до нихъ „добрый Пастырь“. Тамъ на концѣ села чекав Епископа ревный, благочестивый главнослужный мукачевскаго округа Мих. Соличъ, который въ имени жупаната съ ширыми, сердечными словами привитавъ нашего любимаго Епископа, Антонія. Въ селѣ великое множество народа чекало на „своего Отца“ на добротливого „своего Владыку“. Коли Епископъ дойшовъ ид дверямъ церкви, выступила одна мала дѣвчина и своими невинными словами промовила къ Преосвященному, и для знака любви всѣхъ тамошніхъ вѣрниковъ передала одну красну квѣтову букету. По ней головный куратор Гранчакъ привитав Епископа, а потомъ по короткой молитвѣ сѣльскій парохъ I. Папп промовивъ къ Преосвященному. Преосвященный выразивъ свою радость и сказавъ: „Съ радостю пришовъ я до васъ, чтобы поклавъ коруну на вашѣ труды“.

*

На праздникъ св. Михаила и природа святковала. Доти темное оловое небо радостное стало, на него читаво сяло сонце свое золотъ луци. И Богъ попозиравъ на добрыхъ вѣрниковъ и на ихъ праздникъ, села Нового Давыдкова. Около 9 часовъ почалася отправа. По посвяченю церкви Епископъ Антоній подержавъ свою святочну бесѣду, котру вѣрники съ слезами наповнеными очима слухали.

По сему зачалася святочна епископска литургія, котра совсѣмъ такъ ишла, якъ въ ужгородской кат. церкви. Съ Епископомъ служили на сумѣстной литургіи: Ю. Станкай, каноникъ, О. Буликъ, игуменъ мукачевскаго монастыря Чина Св. Василія Великого и И. Уйгелій, парохъ. Красу славности убогьшала и превосходна гармонія епископскоѣ церкви. Прекрасный образъ бывъ, коли тамъ стояли на колѣнкахъ вѣрники гр. кат. изъ Великихъ.

Лучок. Сесъ мартиръ, истишъ мученикъ, котръ не дали ся звести діаволским заплаченым шпиганцым, на рукъ самого Преосвященнаго Епископа достали си причасті. Коли се случилося всъ вѣрники с Епископом в'едно пилили, отъ того чувства, которое заляло их сердце, что между паническим природом суть сякъ мученическъ душъ. На концѣ пилили преноходна мелодія „Тебе Бога хвалим“, котра и у много роков тим буде звучати в ухах всѣх там присутствовавших.

По сему быв обход под веденiem Епископа и многоглѣтствія, по которых Епископ Антоній с папским благословенiem заключив торжество.

По литургіи на авдіенціи появилися у Преосвященнаго окружнѣ духовники под веденiem О. А. Коссая, архидіакона бережскаго, „мартиръ“ ревнѣ вѣрники из села Великѣ Лучки, вѣрники из Нового Давыдкова под веденiem О. І. Паппа, вѣрники села Старого Давыдкова, котръ ровночастно и протестовали против клевет, котрыми их обвиняли, что хотять залишити свою гр. каѳ. вѣру и обѣцали, что они до конца свого живота остануться ревными вѣрниками истишноѣ Христовоѣ Церкви. По сих пришли и учитель, под веденiem директора. Между ними быв бывшій пѣвцоучитель из села Келечина, Мушка. Сей старый народопросвѣтиль со слезами наполнеными очима сказав: я учив пана великоможного, директора, препарандіи нашего славного чоловѣка Августина Волошина на першу руську азбуку.

*

Красный праздник быв в Новом Давыдковѣ. Свѣтило сонце, радовалася и природа, свѣтила и горяча любов к Іисусу Христу в сердцѣ вѣрников. Вже посвящена нова церков; там будуть в ней ежедневно приношати: „милость мира, жертву хваленія“. Ревнѣ суть тѣ вѣрники, из нашоѣ истинноѣ церкви, хотя быв и между ними такій чорнодушный агитатор, который 25.000 Кч мѣнив зато, чтобы там запустили „батюшку“, а чтобы „шизматицкій епископ святив церков“. Но задарьмо! Щира любов к Христу, любов к своему истинному Пастырю, к Преосвященному Епископу Антонію горѣла в их сердцах и недопустила их зыйти из дороги истинны. Задарь, то правда е, что где свѣтлость заняла мѣсто, там не зайде темнота чорнодушных, заплаченых, истишну Церков уничтожающих агитаторов.

Из правдѣ, можуть сказать благочестивѣ вѣрники села Нового Давыдкова, что: „Сей денъ єгоже соткори Господъ, козрадческа и козкеселимса въ онъ“. И они будуть и на дале крѣпко стояти, остануться в истинной Церкви Іисуса Христа, ибо дуже добръ знаютъ слова Святого Письма: „Іко нѣчезаетъ дымъ да исчезнѣть, яко таєтъ косякъ отъ лица сина, тако югнѣнѣть грѣшицы отъ лица Божія, а праведницы да возвеселяться“.

Димитрій Нумятскій.

Великое собраніе в оборонѣ вѣры

одбылося дня 25-го сего мѣсяця в Терновѣ (Мараморош). На собранію присутнѣ были из Ужгорода о. дир. Авг. Волошин и проф. Викт. Желтай. Рано о 8. год. на станціи желѣз. чекала их депутація селян, од имени которых привитав гостей учит. Иван Деак. А. Волошин одповѣв им теплыми словами и потому повезлися на фару. О год. 10-ой началася соборна св. служба в грек. каѳ. церкви; проповѣдь сказав проф. Виктор Желтай о ювилею г. каѳ. церкви по поводу 300 рочноѣ смерти св. мученика уніи Іосафата. По службѣ одбылося собраніе, на которое пришло множество людей майже из всѣх сел долины Тересвы. В имени полит. власти явився головнослужный д-р Комаринскій з жандарами. Собрание открыв о. Алекс. Хира, потому за предсѣдателя выбрали учителя Ивана Деака, который одушевленно говорив о потребѣ соединенія в одну партію всѣх тых русинов, которым дорога их прадѣдна гр. каѳ. вѣра и их народна руська культура. Привитав о. Августина Волошина и проф. В. Желтая. Од имени духовенства говорив намѣстник Корн. Хира из Нересницѣ, од учителства дир. Мих. Сабов, од народа В. Захаріаш. Всѣ они указовали на богату литературну працу о. А. Волошина, на щиру его любов ко русинам вже за часов мадярских и привитали его, як вождя обороны вѣры и народного языка русинов. Авг. Волошин произнес довжшу интересантну рѣч. Едною мараморошскою казкою о Луциферѣ и о мараморошских горах указав на опасность той луциферскої работы ворогов наших, котрою они разбивають нас религійно лиш для того, чтобы мы сталися слабими. Е то работа подпачченых агентов, котрѣ хотѣли бы нас знищiti и вынародовити. Розумнїй русин таким хитрым агитаціям не поддастся. Народ много раз перервав бесѣду його рукоплесканьем и одобрительными воскліками. Потому говорив учитель Діонизій Митрович, популярно потолковавшій, что то е церк. унія, якъ великѣ выгоды принесла она нашему народу не лиш религійно, но и культурно и економично. За ним говорив проф. Викт. Желтай о культурных средствах обороны вѣры и народности, о повинностях матерей, что до національнаго одродженя нашего. За сим проговорили делегаты, из Терешула, из Дубового, из Вольховця, из Тернова и пр., всѣ — подали радостнѣ доказы своеї религійної и народної свѣдомости. Потому А. Хира заговорив о против законных машинаціях урядов против гр. каѳ. Церкви, при чём присутнїй головнослужный перервав го и напоминав, чтобы урядов не критизовав, но народ тресбовав, абы бесѣдник говорив дальше. О. Хира документами доказав противорѣчивость розпорядень урядов. Наконець предложив резолуціи, котрѣ собраніе одушевленно приняло. В сих резолуціях выповѣло собраніе, что:

1. Стоить на основѣ повної свободы совѣсти и требуе, чтобы власти обеспечили сю свободу всѣм вѣроисповѣданням и чтобы не подпоровали большевицку агитацію шизматиков.

Рок 1923.

„БЛАГОВѢСТИК”

Сторона 351.

2. Требує, чтобы процессы о церковныхъ милеток не подовжалися так, як дотеперь и чтобы одногодио никому 7. ХХ. 1848. всѣ забранѣ маєтки гр.-кає. церкви были сейчасъ врнеїгъ гр.-католикам.


3. Рѣшительно протестую противъ проекта о сполучуваню церквей, якого закона нигде въ культурныхъ державахъ нема.

4. Требує законну подпору нашимъ церковнымъ школамъ, котрѣ такъ щиро працювали виедно зъ церквами для обороны нашої народности.

5. Воззывае всѣхъ свѣдомыхъ гр.-каоликовъ и всѣхъ скѣдомыхъ русиновъ, чтобы для обороны своеї релігійної, народної культуры и своеї економичної и політичної свѣтобуды составили един силный фронтъ народный и для того, чтобы держалися до хлѣборобскої партіи, котра од початка прошовѣдзе свой христіанскій и русько народный характеръ.

Изъ собранія выслано телеграммы зъ короткими требованіями и заявами апостолскому пущюку до Праги, пашу президенту републики, министрамъ: Швеглови, Прамекови, Долянскому и Малипетрови, епископу Антонію, губернатору и реф. Пеншеку.

Собрание кончилось одногодио многолѣтсвія присутнимъ ужгородскимъ гостямъ.



Ладомирова (ж. Шариш) 15. XI. 1923.

Почтенна Редакцію Благовѣстника!

Прошу ласкаво помѣстити въ нашей однокой, душеполезной газетѣ слѣдующіи строки:

**Якъ ся удало пророчество „православному“
архимандритови.**

Ладомировскій бискупъ-архимандритъ Виталій Максіменько поѣхавъ до Праги и Братиславы вымолити отъ своей верхности плацу свою, чтобы деньги были ему на помоч въ его „апостольскомъ“ посланіи. — До сихъ поръ 2 правосл. поповъ мавъ, безъ жадныхъ документовъ съ изятіемъ того письма, которое выставивъ архієпископъ ихъ Савватій, же докля свои документы не (получать) достануть изъ Россіи, могутъ дурити бѣдныхъ нашихъ братовъ и отповѣдае за нихъ самъ Савватій. Но пока ихъ Виталій позберавъ и обликъ ихъ до реверенды, что тырвало за 2 тижни, подъ тымъ часомъ Всемогій Г. Богъ покаравъ вѣрника православного съ наглою смертію, — которая есть найопаснѣйша — поразило того хлопа, который въ своемъ домѣ тримавъ всѣ правосл. громады. Кликали уже

теперька уніатского священика но не могъ его высповѣдати' бо про поражиня не могъ бесѣдовати ани не могъ дати хоть найменшій знакъ покаянія и долго чекавъ еще тамъ у дома, но не пришовъ къ памяти своей и священикъ одишовъ. Но потому послали по батюшку соєдного, ни тотъ не могъ помочи, но потому пришовъ изъ путешествія и мѣстный іменований архимандритъ и онъ безъ всякого розрѣшенія давъ изъ чаши пити штось. На другій день поразило и на другій бокъ того чоловѣка и померъ. Уже лемъ хибивъ мѣстный жидовскій рабинъ оттамъ, чтобы го высповѣдавъ.

Можеме видѣти изъ того, же покля бѣды не есть, ставають и собѣ и уніатамъ на головы, а коли бѣда, тогда оттамъ лемъ сегинъ жидъ-рабинъ хибитъ, же и его не волають тамъ.

Архимандритъ тогда сказавъ, же такое ся (не случить) не станетъ кедь онъ дома. А однакож что сталося? У селѣ З православны попы, 1 жидъ-рабинъ и 1 уніатскій и фарааръ и поразило и жену того чоловѣка, котрій еще лемъ 5 дней почиваетъ у темной земли. Мужъ померъ якъ вышовъ изъ стайнѣ до хижи, жена же его 15-го новембра, еще у стайнѣ при коровѣ.

Богъproto опредѣливъ такъ, жебы гордій архимандритъ не мавъ часу вѣроломника высповѣдати архиманд. Виталій. А хотѣвъ и отъ Бога мудрѣйшимъ быти. Прото показавъ Г. Богъ же фигльовати ся не дастъ со Собою. Дороги братья и сестры показуетъ Г. Богъ видимъ знаки, чтобыстеся покаяли, бо и Вы не знаете ци и Васъ Богъ не буде карати, якъ тыхъ 2 людей.

Назадъ къ Христу пока не поздно!

Остаюсь съ почтенiemъ къ Вамъ

Іоаннъ Ив. Байцуроў

правосл. гр. каѳ. ат. сторъ ладом.

Въ Ладомировѣ, дня 15-го ноября 1923.

Новости

— Енциклика Пія XI. про соединеніе Церквей. Папа римский из случаю 300-ой рочници мученической смерти св. Іосафата выдав обѣжник (енциклику) зачинаючійся словами: „Церковь Христову“ и в котромъ возвывася восточна Церковь на соединеніе с вселенскою.

„Кровь того мученика“ — говорить папа „была плодоноснымъ сѣмньомъ для соединенія; видъ и его вороги вернулися назад к забытой вѣрѣ“; споминае потом о той помочи, котру головно по войнѣ достали восточнѣ христіяне от римскаго престола. Однакож наймогутнѣйшою была помочею бы для Восто-

ка, если бы могла соединиться с Вінницом, бо тогда спольными силами могли бы выступити противъ ихъ вороговъ христіянскаго свѣта. Въ семъ напрямѣ працювали юсе его три преемники якъ Левъ XIII., Пій X. и Бенедиктъ XV.

Въ цѣломъ свѣтъ являєся склонность до соединенія, и то головно въ Америцѣ и Англії. Для восточныхъ христіанъ тымъ лекша есть справа соединенія, бо якъ Енциклика каже — останеся у нихъ безъ змѣны „Вѣрую“, коли меже протестантами и каѳоликами огромна велика есѧ розница“.

На конци енциклики помѣщена одна молитва къ св. мученику и апостолу восточныхъ христіанъ св. Іосафата, котру еще IX. Пій сообщавъ, коли проголосивъ святымъ г. 1867 св. Іосафата. (Lid. Listy).

— **На ювилей св. Іосафата** преосвященный епископъ Антоній выдавъ особный циркуляръ, въ которомъ обширно списаный животъ, труды и мученическа смерть святого и разпоряджено имя священномуученика такъ въ проскомедіи, якъ въ литійной ектеніи споминати.

По поводу 300 лѣтной рочинѣ смерти св. Іосафата и другъ гр. каѳ. руськѣ епископы выдали спольный пастырскій листъ состоячій изъ 20 сторонъ. Подписаны суть: А. Шептицкій Львовскій архіепископъ, Гр. Хомичин Станиславовскій, Ник. Будка Канадскій, Д. Нярадій Пряшівскій, Іос. Боцян Луцкій, Іосафат Коцловскій Перемисльскій епископъ.

— **Выименованія.** Изъ повода виличного успѣха отбывшихъ церк. славностій въ Давидковѣ 21-го новембра, с. г. Его преосвященство епископъ назначивъ о. Іосифа Паппа давыдковскаго и о. Михаила Шубу страбичовскаго приходника засѣдателямъ конзист., Евгенія же Ортуталі драговскаго администратора за титуларного намѣстника.

Окремъ того назначены: о. Юлій Иванчовъ приходникъ изъ Вербяши до Веряци, о. Вікторъ Бачовъ сотрудникъ изъ Сасфалова приходникомъ до Вербяши, о. Адалбертъ Грабаръ новопосвященный іерей администраторъ до Вел. Ростоки.

— **Шизма меже шизматиками.** Еще и не зорганизовалися вѣроломники на Подк. Руси, а вже достигла ихъ рука справедливости. Кто шизму (раздор) съе, той мусить шизму жати. Якъ довѣдаемся изъ газетъ, сербскій патріархъ протестуе противъ того, чтобы туй ческа-„православна“ вѣра была, протестуе противъ выименованія Савватія и жадае, чтобы туй сербска „православна“ церковь организовала вѣроломниковъ. Додае патріархъ, что туй сербы уже г. 1710. почали ширити православну вѣру. (Не е с чимъ хвалитися!) Така то „едность“ въ шизматицкой Церкви! Лиш вадътесь! Почавъ розколъ Фотій, продовжавъ Керуларій, не може быти іншій и Дозиоїй и Савватій. Та еще смѣете казати, что вы не есте шизматики (росколники)?!

— **Россійскій Архимандритъ Сергій Бабичъ принялъ св. соединеніе.** „La Croix“, парижска новинка отъ 28 октября с. г.

приносить слѣдуючу вѣсть: В суботу 6 октобра сего року приняв Епископ Chaptal (Шаптал) по области святого Престола Архимандрита Сергія Бабича под крыло католическої Церкви. Монсигнор Сергій есть доктором права и богословія. Он быв б лѣт духовником русской легаціи в Греціи, потом европейскій посланик южно-rossiйской управы и напослѣдку перебывав в Австріи, Угорщинѣ и Нѣмеччинѣ. Сей по флорентинском соборѣ (1439) есть першим россійским церковным достойником, который ступив до католической Церкви. Папа Пій XI. позволив Бабичу, чтобы мог и дальше носити титул Архимандрита и дав ему привилегію носити нагрудный хрест, жезло и митру. Так пише „La Croix“. На сколько е нам познато из Житя св. Йосафата он обратив на грекокатолическу вѣру Патріарха Московского за своего житя, а по смерти славного патріарха Никона.

— **Приготовленія до уніонистичного конгресса в Велеграцѣ.** На день св. Йосафата, мученика унії (соединенія) отбылося великое засѣданіе в салъ архієпископской конзисторії в Оломуцѣ. Предсѣдателем конгресса быв архієпископ Пречан, кто в своей передмовѣ заявив, что ступить в слѣд бл. п. Стояна и всѣми силами працовать буде над святым дѣлом соединенія Церквей. Присутнѣ делегаты одноголосно рѣшили на слѣдуючій, 1924 рок созвати великий конгрес в котором притомный буде и делегат апостолскаго престола и всѣ епископы Чехословакіи. На сем конгрессѣ о положенію гр. каѳ. церкви Подкарпатской Руси реферовати буде о. Тринка редемпторист. Разом рѣшено о будованю одной гр. каѳ.-ої церкви в Празѣ. (Lid. Lisy 264.)

— **Старославлянскій язык в римокаѳолической Церкви.** Бѣлогородскій нунцій заявил сербским журналистам, что Рим приготавляе конкордатум (контракт) с Югославіею, в котором дозволено буде уживаня старославянскаго языка при Богослуженіях в всѣх церквах. Сіе право мали до теперь лиш даськолько парохій далматскаго приморя.

— **Напад на священника.** О. Теодор Богдан, ревный борец своего русского народа на Словаччинѣ сидѣв недавно на своей фарѣ с нотаром и с учителем. Один его вѣрник через окно выстрѣлив на священника три разы из стрѣльбы, але лише легко поранив учителя. Злочинця ъмили.

— **Новый календарь — в Югославіѣ.** Подовгих дискуссіях ухвалив „св.“ синод сербской церкви на проіект патріарха Димитрія пріяти рѣшеніе Константинопольскаго собора что до заведеня нового (григоріянско) календаря и дозвolenія оженитися поовдовѣлым священникам. Первое пожадало торговельное житя, чтобы торговцѣ не были принужденѣ два свята держати, другій реформ же пожадало выхованя священнических дѣтей, позосталых из первого супружества священника. Сія послѣдня новость доказуе, что в шизматицкой церкви дисциplina все дальше упадае. (Ctk. Dej 300).

— **Президент Масарик в своей заграницной подорожѣ**

в Белгіѣ нащивив и бывшого папского нунція msgr. Микару и обдаровав его великим отличіем „Бѣлого льва“. В Брюсселѣ же кардиналови Mercier-ови послав свою фотографію з власноручным подпісом.

— **Великосевлюшкого жупана Враного** министерство внутренних спраў усунуло из уряду. Он быв оден из проводников аграрной партії и загорѣлым зацитником шизматицкой вѣры. Мы из нашей части тѣшимся, что вже одним заввятым ворогом менше мае наша св. гр. каѳ. правосл. вѣра.

— **Из царства коммунистов.** До кіевского монастыря „Кіево-Печерска-Лавра“ вломились розбойники, забрали много дорогоцѣнностей и на смерть убили архимандрита *Николая Добрянского*. Такъ то звычаѣ мають коммунисты!

— **Епископ шизматицких русинов Венямин** 28-го новембра нащивив епископа, преосвященнаго *Антонія* в Ужгородѣ.

— **Короткѣ вѣсти.** Испанскій король XIII. Алфонз 19-го новембра з своею супругою нащивив римскаго отца. От 1870. се есть перша нащива из стороны испанских корольов. — В Англіи не е жадной партіи, котра вороожко выступила бы против Церкви каѳилической. — Бывшій епископ Нѣтрянскій др. Батяній 24-го новембра умер. — Сего року удостоив ся на Нобелову нагороду оден известный католицкій писатель из Ирланду: Jeats.

— В церкви ніяристов в Празѣ, в которой отправляють ся и нашѣ богослуженія, поставленый новый иконостаз за 12.000 кѣ.

— В Голландіѣ министер-президентом став вожд голландских каѳоликов: Koolena. — В Братиславѣ выбран за городонаачалника др. Л. Okanik капоник. — Александр Гиссвейн знаменитый мадярскій соціолог в Будапештѣ умер.

Божа кара з і криву присягу. У Фелдкирхенѣ стояв перед присяжным судом муж и быв обжалованый, что отровив свою жену, абы мог достати за то асекурацію. Обжалованый перед судом выразився так: „Най мене Бог убье за то, если я винен“. В той самой минутѣ упав на подлогу мертвый. Причиною смерти быв удар сердца.

— **Покараный богохульник.** Еще 25-го юня случилося, что в городѣ Егер (Чехія) оден безбожник Венцел Гипман в полу值得一ном состоянію о год. $\frac{1}{2}$ -ой ишов дому из корчмы. Як пришов до одного припутного креста, скочив на каменный фундамент креста и доти тягав, доки каменный крест не упал на землю, где пак ногами топтав и цѣлком розбив на нем розпятія. Под тым голосно кричав: „Мы свободномыслячѣ, мы не потребуем жадного Бога“. Окружный суд осудив его за обиду вѣры на 3 тыжній арест. (Мало достав!)

ПЕРЕПИСКИ РЕДАКЦІИ.

Ked. R. Dol. Дякуеме за вѣсть. У насъ також безвѣріе, цинизм, беззаконіє крыють ся по і назвою „православный“.


РЕДАКТОР-ИЗДАТЕЛЬ:
АВГУСТИН ВОЛОШИН.

ОТВѢЧАТЕЛЬНЫЙ РЕДАКТОР:
ЕМИЛІЯН БОКШАЙ.

ВО УВАГУ СВЯЩЕННИКОВЪ!

I. Кождому священнику на столъ своеи мае быти по новому праву каноничному переробленное **ПАСТЫРСКОЕ БОГОСЛОВІЕ** списанное по рукописамъ и толкованіямъ Д-ра Георгія Шубы каноника, профессора богословія. Объемъ книги 205 зрховъ, переплетенна въ 4 томахъ. Цѣна цѣлого твора 150 Кч. Получити можно въ редакції Благовѣстника.— Можно достати и оддѣлну часть о Тайнахъ въ цѣнѣ 80 Кч.

II. Въ началѣ слѣдуючого года можно буде достати и **ТОЛКОВАНІЕ НОВОГО ПРАВА КАНОНИЧНОГО**, такожъ и **ТОЛКОВАНІЕ ЦЕРК.-ПОЛИТИЧНЫХЪ ЗАКОНОВЪ**. Машиною списанно и умноженно по рукописамъ и толкованіямъ Д-ра Юлія Григашій, профессора богословія. Чтобы единокождый могъ обезпечити себѣ той важный и въ кождодневной жизни нужный шрифтъ, треба предплатити 50 Кч., въ „Унії“ або въ редакції Благовѣстника.



ГАРМОНИИ

обоих родов

доставляе

RUDOLF RAJKR a Spol.

основано р. 1894.

Hradec Králové (Čechy).

ОРГАНЫ

всѣх родов
и размѣров

будуе и поправляе

Mstr. Vaclav Weiss varhonář

ve ZBUZANEK, р. Reporyje u PRANY.

Бывшій довголѣтный управитель фірмы J. SCHIFFNER. Будуе и поправлюе по цѣлой республици,
також и в Покарпатской Руси.

БЛАГОВІСТЬНИК



ДУХОВНА ГАЗЕТА ПОД КРУСИНОВ

СОДЕРЖАНИЕ.

ВОСТОЧНА И ВСЕЛЕНСКА ЦЕРКОВЬ.

ПРАКТИЧНЫЙ КАТЕХИЗ: Сила знака св. Креста.

ИЗ ЖИТЯ СВЯТЫХ: Св. Николай чудотворець.

ВЪРА: Церковь побѣдоносна.

„МИССІЙНА ПОДОРОЖ“ БИСКУПА ВЕНЯМИНА.

НОВОСТИ.

СОДЕРЖАННІЕ РОЧНИКА 1923

Заложуйте свои вкладки до Централъ або філіялок

ПОДКАРПАТСКОГО БАНКА.

СТАН ВКЛАДОК ПОВЫСШЕ: КЧ. 10.000,000.

В всяких финансовых и господарских дѣлах доставить Вам скору, точну и бесплатну пораду :-:

ПОДКАРПАТСКІЙ БАНК В УЖГОРОДЪ.

Своими заощадненными гелерами при доброму опроцентованю капитала подпирайте свой народный

ПОДКАРПАТСКІЙ БАНК В УЖГОРОДЪ.

Истинно народна, руська и славянска институція есть

ПОДКАРПАТСКІЙ БАНК В УЖГОРОДЪ.

Свой до свого!

Пересылки долларов до Америки з дозволом Банковного Уряду выконуе :-:-:-

ПОДКАРПАТСКІЙ БАНК В УЖГОРОДЪ.

Переказы до Галичин, Польщъ и др. держав Европы и Америки выконуе найвыгоднѣйше :-:

ПОДКАРПАТСКІЙ БАНК В УЖГОРОДЪ.

Замѣну старых ческословенских банкнот (Кч. 5000, 500, 5.—) переводить :-:-:-

ПОДКАРПАТСКІЙ БАНК В УЖГОРОДЪ

в Банковном Урядѣ Министерства Финансов.

Америцькѣ десеквестрації, исекурації и компензації за померших в Америцѣ переводить :-:

ПОДКАРПАТСКІЙ БАНК В УЖГОРОДЪ.

За вкладки (льокациі) платить

ПОДКАРПАТСКІЙ БАНК

:-:- 5%—6%, :-:-

Путешественна канцеларія продажа желѣзнодорожных карточок на цѣлу територію Републики и до всѣх сторон свѧта має

ПОДКАРПАТСКІЙ БАНК В УЖГОРОДЪ